

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O IZMJENAMA I DOPUNAMA ODLUKE O PRISTUPANJU IZRADI PROSTORNOG
PLANA PODRUČJA POSEBNIH OBILJEŽJA OD ZNAČAJA ZA FEDERACIJU
BOSNE I HERCEGOVINE „VRANICA“ ZA PERIOD 2008. DO 2028. GODINE**

Sarajevo, mart 2014. godine

Na osnovu člana 23. stav 1. Zakona o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, br. 2/06, 72/07, 32/08, 4/10, 13/10 i 45/10), Parlament Federacije BiH na ____sjednici Predstavničkog doma održanoj dana ____2014 godine i ____sjednici Doma naroda održanoj dana ____2014. godine donio je

ODLUKU

O IZMJENAMA I DOPUNAMA ODLUKE O PRISTUPANJU IZRADI PROSTORNOG PLANA PODRUČJA POSEBNIH OBILJEŽJA OD ZNAČAJA ZA FEDERACIJU BOSNE I HERCEGOVINE „VRANICA“ ZA PERIOD 2008. DO 2028. GODINE

I

U Odluci o pristupanju izradi Prostornog plana područja posebnih obilježja od značaja za Federaciju Bosne i Hercegovine („Službene novine Federacije BiH“, broj 48/10) u nazivu odluke riječi: „2008. do 2028.“ zamjenjuju se riječima: „2014. do 2034“.

II

U tački I. riječi: „2008. do 2028.“ zamjenjuju se riječima: „2014. do 2034“.

III

U tački III. iza broja „72/07“ veznik „i“ zamjenjuje se zarezom, iza broja „32/08“ dodaje se zarez i brojevi „4/10, 13/10 i 45/10“, a iza broja „63/04“ dodaje se zarez i brojevi „50/07“ i 84/10.

IV

U tački IV. iza riječi „za“ dodaju se riječi: „pregled od strane nosioca pripreme plana i“.

V

U tački VI. stav 1. riječ „će“ zamjenjuje se rječju „može“, a na kraju teksta tačka se zamjenjuje zarezom i dodaju riječi: „sastavljen u skladu sa članom 25. stav 5. Zakona.

Stav 2. briše se.

Dosadašnji stav 3. postaje stav 2.

VI

U tački VII. stav 1. iza broja „26/06“ veznik „i“ zamjenjuje se zarezom, a iza broja „70/06“ dodaje se zarez i brojevi „12/09, 60/10 i 87/13“.

VII

U tački XII. stav 1. riječ „četiri“ se zamjenjuje rječju „dvije“.

VIII

Ova Odluka stupa na snagu narednog dana od dana objavljivanja u „Sužbenim novinama Federacije BiH“.

OBRAZLOŽENJE
ODLUKE O IZMJENAMA I DOPUNAMA ODLUKE O PRISTUPANJU IZRADI
PROSTORNOG PLANA PODRUČJA POSEBNIH OBILJEŽJA OD ZNAČAJA ZA
FEDERACIJU BiH „VRANICA“ ZA PERIOD 2008. DO 2028. GODINE

I. ZAKONSKI OSNOV

Zakonski osnov za donošenje Odluke o izmjenama i dopunama Odluke o pristupanju izradi prostornog plana područja posebnih obilježja od značaja za Federaciju BiH „Vranica“ za period 2014. do 2034. godine sadržan je u odredbi člana 23. stav 1. Zakona o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, br. 2/06, 72/07, 32/08, 4/10, 13/10 i 45/10), kojim je utvrđeno da Parlament Federacije donosi odluku o pristupanju izradi planskog dokumenta od značaja za Federaciju BiH, te Odluke o utvrđivanju planine „Vranica“ područjem posebnih obilježja od značaja za Federaciju BiH („Službene novine Federacije BiH“, broj 48/2010).

II. RAZLOZI ZA DONOŠENJE OVE ODLUKE

Odluka o pristupanju izradi prostornog plana područja posebnih obilježja od značaja za Federaciju BiH „Vranica“ je donesena 22.07.2010. godine, za period od 2008. do 2028. godine. S obzirom da do 2014. godine nije započeta izrada predmetnog plana potrebno je izmijeniti planski period. Predložen je period od 2014. do 2034. godine.

III. OBRAZLOŽENJE PRAVNIH RJEŠENJA PREDLOŽENIH U OVOJ ODLUCI

U tački I. u naslovu odluke se mijenja planski period i predlaže novi od 2014. do 2034. godine.

U tački II. utvrđuje - mijenja planski period i predlaže novi od 2014. do 2034. godine, tj. za planski period od 20 godina.

U tački III. i VI. se utvrđuju - dodaju se brojevi službenih novina u kojima su objavljene izmjene Zakona o prostornom planiranju i korištenju zemljišta na nivou Federacije Bosne i Hercegovine i Uredbe o jedinstvenoj metodologiji za izradu planskih dokumenata.

U tački IV. se utvrđuje da pregled od strane Nosioca pripreme plana (Federalnog ministarstva prostornog uređenja) i utvrđivanje od strane Vlade Federacije Bosne i Hercegovine ne ulazi u rok za izradu Prostornog plana.

U tački V. se utvrđuje - mijenja da Nosioc pripreme može formirati Savjet plana za potrebe stručnog praćenja, usmjeravanja Prostornog plana, što je u skladu sa članom 25. stav 4. Zakona o prostornom planiranju i korištenju zemljišta na nivou Federacije Bosne i Hercegovine. Pored toga u ovoj tački se racionalnije utvrđuje sastav Savjeta plana s obzirom na potrebna finansijska sredstva za finansiranje istog.

U tački VII. se utvrđuje - mijenja period od četiri na dvije godine za izradu Izvještaja o stanju u prostoru, što je u skladu sa članom 11. stav 2. Zakona o prostornom planiranju i korištenju zemljišta na nivou Federacije Bosne i Hercegovine.

IV. FINANSIJSKA SREDSTVA

Sredstva za pripremu i izradu prostornog plana područja posebnih obilježja od značaja za Federaciju BiH „Vranica“ za period 2014. do 2034. godine će se sukcesivno osiguravati prema rokovima predviđenim programom i planom aktivnosti, i to iz budžeta Federacije Bosne i Hercegovine, a u skladu sa Zakonom o prostornom planiranju i korištenju zemljišta na nivou Federacije Bosne i Hercegovine. Za 2014. godinu su planirana budžetska sredstva za pripremu i izradu prostornog plana područja posebnih obilježja od značaja za Federaciju BiH „Vranica“ za period 2014. do 2034. godine.